

## Der. VIII. Titel des. III. Tractats LXXX

### Von ledigen kinden

wie die erben sollen.



### Item zu ziten vffterhalb

eelicher vermählung kind geboren werden / achten wir not sin / von denselben ouch ordnung zu setzen / Vnd wiewol die gemeinen rechte solcher vneelichen kind halb / ander teilung dan hienach gesetzt würt halten möchten / So haben wir doch in solchem fall diser Statt. Fruburg louff / vnd gewonheit bedacht / vnd theilet deshalben die vneelichen kind in zwen vnderschied. ¶ Etliche sind so durch zusa menfügung lediger personen geborn werden / es syg ioch daß das ledig wybsbild einem man allein zu wart / oder sich andern ouch teylhafftig mach / doch dz sy dem kind wiß den vatter zu nennē / vnd der vatter einw eders solich kind gülich angenömen / vñ für sin eigen kind erkent haß oder das es im mit rechte zu erteilt syge / welches dero ist / so nemmen wir die selben kind alle eins namēs on vnderscheid / ledige natürliche kinder.

¶ Die andern sind vnflatskinder genempt / die von eelichen personen / vffterhalb der ee / desglichen von geistlichen / oder in der verbannen sipp / fruntschafft gemacht werden.

### Erbschafft der natur

lichen ledigen kind.

Item der natürlichen ledigen kind halb setzen vnd ordnen wir onge irrt / ob die geschübnen rechte dawider sin möchten / Ob es sach were / das der vatter diser ledigen kind on eelich wyb / oder kinder / darzu ouch on eelich vatter vnd müter / großvatter vñ großmüter / ouch on eelich brüder vnd schwestern / vñ derselbē kind / sy syent recht oder stüßgeschwüstrig / abstürb / vnd dheim testament gemacht hett / so volgt denselben ledigen kinden der dritteil von sinem güte / vnd die zwen teil falle an die andern sipp / si sind des abgestorbnen / der selb vatter hat ouch in den obbestimptē sällen mache alles sin güte sinen ledigen kinden / in testamentē zu vermachen / ob er wil / ongeirt siner wytern sippfründen so zu der nehent syten sind / doch das es antern vnsetzungen gleichförmig geschehe. Wer es aber das er eelich vatter / großvatter / oder großmüter / brüder ob schwestern /

P ij